

Universal Declaration of Human Rights - Akan (Akuapem)

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <http://www.unicode.org/udhr>.

AMANSAN MPAEMUKA A EFA ONIPA BIARA KYEFA HO

NHYENMU

Esiane se nidi ne biakoye ne hokwan a adesamma abusua no wɔ no ne ahofadi, atentrennee ne asomdwoe a ewɔ wiase no nhyease,

Esiane se obu a wommu ne animtiaa a wɔde bu onipa biara Kyefa no akowie atirimɔdenne ahorow mu no apusuw wiase no ahonim, ne ɔhwe a yehwe kwan se wiase bi reba a adesamma benya ahofadi wɔ ɔkasa ne gyidi ho, na wɔabo dawuru se osuro ne ohia jo ahofadi ne ɔmanfo botae,

Esiane se nea ebeye na ɔmanfo remfa atuategw kwan so se nea etwa to de atu atirimɔden ne nhyeso agu, nti, ese se yede mmara sodi bɔ onipa biara kyefa ho ban,

Esiane se eho hia se yebema ayɔnkofa abeda aman horow ntam,

Esiane se nnipa a wɔwɔ Amanaman Nkabom no Mmara no mu no agye se wogyee onipa biara kyefa tom, na wogyee tom se onipa desani biara nya ne kyefa, nidi ne ɔsom a wɔsom bo; afei wogyee mmarima ne mmea Kyefa tom, na wɔabo mmɔden se wɔbema ɔmanfo atu mpɔn wɔ asetena pa mu wɔ ahofadi bebre mu,

Esiane se Kuw Mma ahye bɔ se wɔne Amanaman Nkabom mo beye biako de ama aman nyinaa anya obu ama onipa biara kyefa ne ahofadi ahorow no

Esiane se Kyefa ne ahofadi ahorow ho hia sen biara na ama bɔhye yi aba mu koraa nti,

Ende, Afei,

Kuw Kese No

Pae mu ka

Amansan Mpaemuka a efa Onipa Biara Kyefa ho no

Se mmɔdenbɔ gyinapɛn ma nkurɔfɔ ne aman nyinaa, a yen botae ne se nnipa nkorenkore ne aman nyinaa bekae saa Mpaemuka yi bere nyinaa, na wɔnam ɔkyerekyerɛ ne nhomasua so akyerɛ obu ama saa kyefa ne ahofadi ahorow yi, na wɔde nkakrankakra ama nnipa a wɔwɔ wɔn a wɔwɔ amannɔne ate ase, agye atom, adi so pepepepe wɔ nnipa a wɔwɔ Kuw Mma no ankasa man mu, ne ɔmanfo a wɔtete wɔn nsasesin mu.

Ahyede 1

Wɔawo adesamma nyinaa se nnipa a wɔwɔ ahofadi. Wɔn nyinaa wɔ nidi ne kyefa koro. Wɔwɔ adwene ne ahonim, na ese se wobu wɔn ho wɔn ho se anuanom.

Ahyede 2

Ese se obiara nya kyefa ne ahofadi ahorow a wɔaka ho asem wɔ Mpaemuka yi mu no a nnipa animhwe anaa nyiyim nni mu, te se ebia abusua a ofi mu, ahosu, se ɔye ɔbea anaa ɔbarima, se ɔka kasa bi anaa ɔwɔ kuw bi mu, se ɔwɔ ahode, se ɔwɔwo no ɔkwan bi so no mfa ho koraa.

Bio, wɔrenye nyiyim biara esiane obi amanyɔ anaa ɔman anaa asase a obi fi so no nti. Emfa ho hwee se ɔman no de ne ho anaase ebata ɔman foforo bi ho, anaa nso enni n; ankasa ho so, anaase ɔman foforo bi na edi wɔn so.

Ahyede 3

Obiara wɔ nkwa, ahofadi ne ne nipaban ho ahobanbɔ.

Ahyede 4

Wɔremfa obiara nkɔ nkoasom anaa nkoaye mu. Wɔabara nkoasom ne nkoatɔ ne nea etete saa nyinaa.

Ahyede 5

Ense se wɔde aninyanne, atirimɔden, ne nea emfata se wɔde ye nnipa anaa ayayade biara twe obiara aso.

Ahyede 6

Mmara mu no, onipa biara wɔ ho kwan se wogyɛ no tom se onipa.

Ahyede 7

Nnipa nyinaa ye pe wɔ mmara anim, na ese se wɔnam mmara so bɔ obiara ho ban a nyiyim biara nni mu. Obiara wɔ banbɔ koro no ara a esiw nyiyim a esee Mpaemuka kwan no kyefa no bi.

Ahyede 8

Obiara wɔ nea ne man asennii mmara ahyehye ato hɔ a wɔye de pata nea obi afom no no hokwan anaa kyefa.

Ahyede 9

Wɔrenkyere obi, mfa no nto afiase anaa wɔrempam no mfi ne man mu ɔkwa are kwa.

Ahyede 10

Obiara wɔ hokwan se asennifo a wonni obiara afa a wɔnye nyiyim di n'asem wɔ peteem senea wɔye onipa biara, de kyere ne kyefa ne n'asede ahorow wɔ mmarato bi a wɔde tia no ho.

Ahyede 11

1. Asem a obi di na odi mu fɔ ma wɔtwe n'aso no wɔremfa nto onipa biara so gye se wɔnam mmara so adi onii no asem wɔ n'akyigyinafo anim abu no fɔ ansa.

2. Se obi ye bɔne bi na akyiri yi wohu se anka ese se wɔtwe n'aso, nanso bere a onii yo yee saa bɔne no, na ne man anaa ne man ne aman foforo bi mmɔɔ mu nyee mmara bi a etia bɔne no a, ende ense se wɔtwe ɔdebɔneyefo no aso. Saa ara nso na wɔreemfa asotwe a emu ye duru mma bɔne bi nsen nea ewɔ hɔ bere a wɔyee saa bɔne no.

Ahyede 12

Wɔremfa nea mmara nnim biara so nhiahia obiara ho wɔ ne kokoamsem, n'abusua, ne fi ne ne mfefo ntam asem bi ho. Saa ara na wɔrentiatia ne nidi ne n'anuonyam so. Obiara wɔ banbɔde yi kyefa a mmara taa akyi.

Ahyede 13

1. Obiara wɔ kyefa anaa hokwan se okyinkyin anaa ɔtena baabiara wɔ nea ne man ahye ano kɔka.

2. Obiara wɔ ne kyefa anaa hokwan se ofi ɔman biara mu, a n'ankasa de ka ho, na ɔsan kɔ ne man mu bio.

Ahyɛde 14

1. Obiara wɔ kyefa anaa hokwan se esiane amanyesem ho ɔtaa bi nti ɔkɔ ɔman foforo bi mu kɔpɛ guankɔbea.

2. Saa Kyefa anaa hokwan yi yera bere a guankɔ no nnyina amanyesem mu amanenya anaa Amanaman Nkabom gyinae so.

Ahyɛde 15

1. Obiara wɔ kyefa anaa hokwan se ɔyɛ ɔmanba wɔ baabiara.

2. Wɔremfa biribi a ennam mmara so nsiw obiara manbaye ho kwan. Se obi pɛ se ɔsakra ne manbaye fi baabiara nso a, wɔrensɔw no kwan.

Ahyɛde 16

1. Se mmarima anaa mmea bi du wɔn mpanyin afe so, na wɔn abusua, wɔn man anaa wɔn asɔre mu nhyehyɛe nsiw wɔn mu ni kwan a, ende wɔwɔ kyefa anaa hokwan se wɔware kyekye abusua. Wɔn nyinaa wɔ aware mu kyefa pɛ wɔ wɔn aware ne wɔn awaregu berem.

2. Okunu ne ɔyere nko ara na eɛe se wɔpene so ka wɔn aware bom se awarefo.

3. Okunu ne ɔyere ne mma abusuabɔ no ne kuwye abɔse fekuw biara mu, eɛe se fekuw anaa ɔman no bɔ saa abusuakuw yi ho ban.

Ahyɛde 17

1. Obiara wɔ ho kwan se ɔno nko ara pɛ ahonyade anaase ɔne afoforɔ pɛ bi.

2. Wɔremfa nea eenyina mmara so nnye obi ahonyade mfi ne nsam.

Ahyɛde 18

Obiara wɔ adwenem nsusuwii, ahonim ne nyamesom biara a ɔpɛ ho kyefa anaa ɛho kwan. Saa kyefa anaa hokwan yi ma obi de ne ho se ɔbesakra ne nyamesom anaa ne gyidi, ɛma obiara de ne ho se ɔhwehwe ankorankoro anaa ɔdodow nyamesom, anaa ɔne afoforɔ bom som wɔ peteem anaa kokoam, nam so yi ne nyamesom anaa gyidi adi wɔ kyerekyerɛ, nneyɛe ne ɔsom mu.

Ahyɛde 19

Obiara wɔ ne kyefa anaa hokwan se ɔka n'adwene ne nsusuwii. Saa kyefa yi ma obiara kura ne nsusuwii mu a obiara nnye no asabawmu. Ɔwɔ hokwan se ɔhwehwe anaa otie adesuada ne nsusuwii biara, na ɔno nso nam ɔkwan biara so ma afoforɔ te a aman ahyɛ nsiw eyi ho kwan.

Ahyɛde 20

1. Obiara wɔ hokwan se ɔkɔ asomdwoe nhyiam ase anaa ɔɔm fekuw biara.

2. Ense se wɔhyɛ obiara se ɔnkɔɔm fekuw bi.

Ahyɛde 21

1. Obiara wɔ hokwan se onya kyefa wɔ ne man mu Aban mu, se eyɛ tee anaa enam ananmusifo so.

2. Obiara wɔ kyefa koro wɔ ne man nu ɔsom adwuma ho.

3. Ɔmanfo no pɛ na ebeye Aban no nnyinaso. Wɔnam abatow a wɔnam so paw nnipa a eye kokoam ɔdodow adeye a wɔahyehye ne bere ato ho so na ebɛda ɔpɛ yi adi.

Ahyɛde 22

Onipa biara, sɛ ɔye fekuw muni yi, wɔ ne kyefa wɔ akyigyina a ɔman no anaa ɔman no ne aman afoforo abom apere anya no ho senea ɔman no nhyehyee ne sikasɛm te. Onipa biara wɔ sikasɛm, ɔmanbaye ne amammere ho kyefa a ɛho hia ma ne nidi ne ne nipasu.

Ahyɛde 23

1. Obiara wɔ adwumaye ho kyefa, ɔde ne ho sɛ ɔpaw adwuma a ɔpɛ sɛ ɔye, ɔwɔ adwumaye mu nhyehyee pa ne emu banbɔ no ho kyefa.

2. Obiara wɔ adwumaye ne ɛso akatua a wɔde ma no ho kyefa a nyiyim biara nni mu.

3. Obiara a ɔye adwuma no wɔ ne kyefa a ɛsɛ sɛ onya wɔ akatua a ɛfata a ɛbɛma ɔne n'abusuafo anya atenaye a ɛfata onipa nidi ho. Sɛ ehia nso a, ɛsɛ wɔde fekuwbɔ mu akyigyina ka ho.

4. Eye obiara kyefa sɛ ɔhye adwumayefo fekuw ase anase nso ɔdɔm bi, na ɔnam so bɔ ne yiyedi ho ban.

Ahyɛde 24

Obiara wɔ ɔhome ne bɔnnɔdi bere ho kyefa. Nnɔnhwerew a wɔahyehye sɛ wɔde ye adwuma a ɛmmoro so ne adwuma mu akwamma bere a wotua adwumayeni no ka nso ka ho.

Ahyɛde 25

1. Obiara wɔ ne kyefa anaa hokwan sɛ ɔne n'abusuafo nya asetena yi mu yiyedi a ɛma ɔne n'abusuafo nya ahoɔden ne asetena pa. Aduan, adurade, afi, ayaresa ne fekuw mu ɔsom adwuma nso ka ho. Saa ara nso na eye obiara kyefa sɛ onya akyigyina a wɔde ma obi a onni adwuma bi ye anaa ɔyare anaa odi kuna anaa wabɔ akora anaa aberewa anaa asetena mu ahyiakwa mma n'ani nwie gye wɔ asetena mu ho.

2. Ɛsɛ sɛ wɔde ɔhwe pa hwe ɔbaatan ne ɔba biara. Ɛmfa ho hwee sɛ mmofra bi ye awarefo mma anaa mpenafo mma. Ɛsɛ sɛ wɔn nyinaa nya wɔn kyefa wɔ asetena mu banbɔ ho.

Ahyɛde 26

1. Obiara wɔ ho kwan sɛ osua ade. Anye yiye koraa no, ɛsɛ sɛ obiara nya sukuukɔ anaa adesua kwa wɔ ne mmofraase wɔ nneɛma nketenkete bi ho. Ɛsɛ sɛ wɔde ɔhye to ho ma obiara nya mmofraase adesua. Mfiridwuma ho adesua ne dwumadi ahorow no sua anaa sukuupɔn mu adesua ho de, obiara benya ne kyefa senea n'adwene ne ne mmɔdenbɔ kyere.

2. Ɛsɛ sɛ adesua nyinaa botae ye nea ehwehwe nkɔso ma onipadua ne obu mu denhye ma adesamma kyefa a ɛfa nnipa ahofadi horow no ho. Eyi bema ntease, denye ne ayɔnkofa aba aman, mmusua anaa asɔre horow nyinaa ntam. Ebehye Amanaman Nkabom no den ama asomdwoe aba wiase.

3. Awofɔ wɔ kyefa anaa hokwan a ɛso sɛ wɔbɛpaw nhomasua ko a wɔpɛ ama wɔn mma.

Ahyɛde 27

1. Obiara wɔ ne kyefa anaa hokwan sɛ ɔde ne ho fra kwasafɔ amammere mu. Ɔwɔ ne kyefa anaa hokwan wɔ mfaso a ɛfi nyansasua ne abɔdemuhwehwe mu ba no mu.

2. Obiara wɔ nnepa a efi abɔdemuhwehwɛ, nhomasua anaa nsaanodwuma adeyɛ bi a ɔde ne nsusuwii ama aba no mu kyɛfa.

Ahyɛde 28

Obiara wɔ ho kwan sɛ onya fekuɔw anaa amanaman nhyehyɛɛ a ekura kyɛfa ne ahofadi horow a wɔabobɔ din wɔ Mpaemuka yi mu no mu.

Ahyɛde 29

1. Obiara wɔ ne kwasafɔ asɛde a ɛno mu na sɛ ɔyɛ a, ɔnam so ma onyin a ne nipadua nyin no wie pɛyɛ.

2. Ansa na obiara benya ne kyɛfa ne ahofadi no, gye sɛ ɔno nso ayɛ nea mmara hwɛhwɛ wɔ ne ho sɛ ɔyɛ ma afoforo ma wɔn nso nya wɔn kyɛfa ne ahofadi. ɛsɛ sɛ onii no bɔ ɔbra pa, na ɔkyɛɛ obu ma guasodeyɔ ne ɔdodow amammu mu yiyedi.

3. Ɛnsɛ sɛ saa kyɛfa anaa ho kwan ahorow yi yɛ nea ɛne Amanaman Nkabom no atitimpɔw ne gyinapɛn bɔ abira.

Ahyɛde 30

Ɛnsɛ sɛ onipa biara kyɛɛ nsem a ɛwɔ Mpaemuka yi mu no ase sɛ ɛyɛ ade bi a ɛma Ɔman, fekuɔw anaa onipa bi kyɛfa anaa tumi, nam so sɛ kyɛfa ne ahofadi horow a wɔabobɔ din wɔ nhoma yi mu no.
